

徐同柏年譜



徐道誠

孝普二齋

歲貢士壽臧府君年譜

男士燕敬編

表姪張晉燮嶼諱

乾隆四十年乙未十二月二十日卯時府君生

府君諱

同柏

姓徐氏字壽臧號籀莊自號少孺初名

大椿

字春甫一字八千小字熹嘉興縣履仁鄉新行

里人明初虹橋處士諱

宗一

字敬翼公十四世孫世

居本縣履仁鄉虹祥里代有隱德明末六世祖諱

成

儒

字君育公始遷海鹽烏止塘

國朝康熙時曾祖諱

璋

字公佩公始遷新行里卜宅丁

字谿南祖諱

鉉

字健行公早卒父諱

澍

字瀛洲公三



世皆國學生瀛洲公孝義事具嘉興府志母張太孺
人同里國學生諱錫字百朋公女生子三女一府君
其長也

四十一年丙申二歲

四十二年丁酉三歲

四十三年戊戌四歲

四十四年己亥五歲

九月妹

榛

生十月瀛洲公從伯父鐘臯公諱錦卒於

谿南瀛洲公爲之殯斂反葬於其海鹽檀墩廟故里

四十五年庚子六歲

四十六年辛丑七歲

初從張桐山先生淮受孝經四子書母張太孺人胞
弟也府君自襁褓以張太孺人病恆依外祖母以居
因卽從之受學

四十七年壬寅八歲

四十八年癸卯九歲

四月祖母錢太孺人卒 九月第大杭生字元甫號

春門小字愷

四十九年甲辰十歲

就張氏家塾塾師戴崑玉先生宮桂新豐里人本縣

學增廣生博學善誘授經之餘恆與諸子講子史故

實府君悉能默記

後譜一
五十年乙巳十一歲

五十一年丙午十二歲

正月第

秀榕

生小字京

五十二年丁未十三歲

五十三年戊申十四歲

五十四年己酉十五歲

始作時文

五十五年庚戌十六歲

五十六年辛亥十七歲

始從張叔未先生

廷濟

受學張太孺人同祖弟始應

童子試

府君嘗自言知讀書做人自是歲始

五十七年壬子十八歲

是歲澈浦畢明經菑園先生

星海

來館張氏家塾先

生爲既明處士

宏述

之孫工篆隸精研六書著有六

書通摭遺附處士六書通行世府君從學二年得其
指授小學之功始基之矣

五十八年癸丑十九歲

春問業於竹林里沈進士向齋先生

可培

之門學益

進再應童子試以第三名補府學生員學使李公

雲門先生

璜

湖北鍾祥人辛卯進士正場題形則著

過半矣賦得香滿一輪中得輪字五言六韻覆試題
則不惑禮從宜二句賦得水木湛清華得華字

五十九年甲寅二十歲

始授徒里中 是歲

恩科始應鄉舉頭題夫子之牆一節先是府君於塾中
嘗課是題及入闈別出機杼不自襲一語 時府君
有集唐詠蘭云自保孤根生何求美人折又寶劍篇
云一條直氣今無雙賊臣惡子休干紀畢生志操具
見於此

六十年乙卯二十一歲

正月瀛洲公合葬健行公錢太孺人毛太孺人於里
東曹家邨南原健行公女行三祔葬墳西北隅數十
步并遷毛太孺人父母平湖毛殿榮翁金氏及其殤

弟天祥之棺與骨殖同葬焉 二月侍瀛洲公同叔

未先生訪瓢海上 秋從張桐山蓬園瀕叔未三舅

氏沈竹岑姨夫銘彝陪張李亭老人鎮沈雙湖先生

叔過淨相寺訪得元至正井闌文曰韓公義井皇

元至正十一年歲在辛卯仲夏吉辰謹題凡二十一

字 十月第秀榕殤 十二月元配許孺人來歸孺

人諱恩平湖縣學生諱汝賢字宏勳公女時年二十

五 初爲鐘鼎款識之學

嘉慶元年丙辰二十二歲

二年丁巳二十三歲

閏六月長女蘭薰生

三年戊午二十四歲

是歲叔未先生舉鄉貢第一

四年己未二十五歲

夏叔未先生歸自京師府君謝生徒讀書清儀閣益發憤爲舉子業

五年庚申二十六歲

是歲

恩科鄉試第十六房薦卷房師宣平知縣朱公蓮荷亭

先生湖南桂陽人乾隆庚寅貢士頭場題昔者先王以爲東蒙主三句使天下之人一節不知足而爲屢二句賦得陳言務去得難字本房原批闡中填砌故

實者甚多是作出之獨無斧鑿之痕主司曹公城黃
公因璉以運典處欠持擇被落瀛洲公於宅傍補

種新竹寫谿南補竹圖後因爲篁里十景之一

六年辛酉二十七歲

叔未先生再應禮部試入京復授徒里中是科鄉

試第十五房薦卷房師鄞縣知縣郭公

銑

書屏先生

福建閩縣人乾隆辛卯貢士頭場題子夏曰富哉言

乎合下一節今夫天斯昭昭之多二段君子引而不

發一節賦得魚躍順流得魚字本房原批三藝理解

不失詞氣亦充詩律工穩主司文公

寧

周公

兆基

以

筆平詞泛又被落時金壇段若膺先生

玉裁

掌教

後記一
鴛湖書院見府君文以磊砢英多目之 叔未先生

留京邸數寓書敦勉

七年壬戌二十八歲

夏介海鹽張文魚徵君

燕昌

乞嘉定錢竹汀宮詹

大

所書諷籀書窠扁 沈竹岑廣文賦識字行以贈

秋佐縣志金石采訪

八年癸亥二十九歲

九年甲子三十歲

九月第春門公娶婦海鹽縣學生朱

蘭枝

字依山女

瀛洲公得禾一莖數穗 始輯古履仁鄉金石文

字記卷一鼎彝二十一卷二器物三十五卷三鏡十

七卷四泉六十八卷五印七十一卷六瓦二十一卷
七瓢二十八附錄一卷八石十七全橐已失目存

同邑李金瀾明經

遇孫

載入金石學錄

十年乙丑三十一歲

歲試一等第十名補增廣生員學使潘文恭公

世恩

芝軒先生江蘇吳縣人乾隆癸丑一甲第一名進士
正場題衆惡之四句言私其縱二句賦得知更魚得
書字五言六韻覆試題鄒人與楚人戰至何以異於
鄒敵楚哉賦得漁者宵肅得嚴字五言八韻 弟春
門公補縣學生員 是歲許孺人之兄登瀛翁卒遺
一子年甫十一依府君以居爲教養成立

十一年丙寅三十二歲

十二年丁卯三十三歲

三月瀛洲公命府君與春門公分爨均受田四十畝

四月叔父粹貞公諱漳卒無子瀛洲公以序立春

門公爲之後 十二月十三日戌時元配許孺人卒

年三十七乾隆三十六年辛卯六月初五日寅時生

殯里南南舍

十三年戊辰三十四歲

府君嘗跋叔未先生藏瘞鶴銘冊云其前一種嘉慶

戊辰夏五某應歲試寓郡爲舅氏購得憶是時梅雨

兼旬街道水涌碑肆中幾無人過而問焉者獨某一

笠一屐日事翫讀昔蘆臺王副使縋江摹拓竹垞太史題其圖云躬自荷鋤操犢鼻又云衣袂尙帶寒潮痕某雖未敢妄希前哲而攝衣涉水正如竹翁所云者云云當時古興勃發卽此可知其概矣

十四年己巳三十五歲

科試一等第四名補廩膳生員學使周公兆基蓮塘

先生湖北江夏人乾隆甲辰進士正場題棗竹猗猗二句問全唐之文見於別集者幾家集外之文應采何書其中有兩人同撰者有先後改正者有撰人姓氏岐出者有誤入他人集中者能舉其篇目與至於語涉疑僞宜加考證語近誕妄應行刪削者何篇賦

得嘉禾重穎得重字五言八韻覆試題子貢問曰何
如斯可謂之士矣一節賦得雲消出絳河得消字府
君正場文主爾雅毛詩說原評詮棗竹有識見詩古
雅覆卷側重行已招覆案名第六拔置第四

十五年庚午三十六歲

九月

繼配錢孺人來歸孺人諱

瓏

字玉玲同邑諱

陸

榮

字寧緒公女乙丑進士庶吉士山東海陽知縣

人

杰

號毅齋本生胞妹時年二十七

其謝矣

十六年辛未三十七歲

十二月次女

蕙薰

生

十七年壬申三十八歲

十八年癸酉三十九歲

自乾隆甲寅至是應鄉舉已十回是科府君文意頗
愜竟不獲薦及閱闈墨臬同門硃卷作法往往而合
獨本房所取迴別自知科名自有定分於是益肆力
於鐘鼎古文而舉業之功自此乃漸弛云

十九年甲戌四十歲

三月歲試改今名 九月瀛洲公生母毛太孺人之
兄永祥翁卒於谿南窮老無子瀛洲公迎養垂二十
年爲之殯斂

二十年乙亥四十一歲

九月妹榛適海鹽國學生盛如玉字漢成爲繼室